



UNIVERSITÄTS-
BIBLIOTHEK
PADERBORN

Tractatus De Censuris Romano Pontifici Reservatis

Ugolinus, Bartholomaeus

Venetijs, 1609

Vers. Nisi in eis etiam casus praesentibus litteris expressi
comprehendantur.

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

scilicet aut verbis, aut litteris, aut alia quacunque scriptura, ob verba illa Verbo, litteris, aut alia quacunque scriptura.

Vndecimo locum habet, vt nō absoluantur prædicti per priuilegia, vel generatim, vel speciatim concedantur.

Generatim, exempli gratia, si dicatur. Concedimus licentiam, vt possint absolui ab excommunicationibus, & censuris reseruatis Romano Pontifici, qui cooptantur in Societatem Sanctissimi Corporis Christi. Speciatim, si concedatur eadem licentia, exempli gratia absoluedi a censuris Bullæ Cœnæ Domini, & hoc ob verba illa, In genere, vel in specie.

Postremo locum habet, vt non absoluantur prædicti per priuilegia, vel sint innouata, vel nunc recenter concessa, ob verba illa Concessorum, & innouatorum, ac concedendorum, & innouandorum. In omnibus igitur his casibus priuilegia non profunt. Sed iam casus, in quib, profunt, & per quæ priuilegia facultas hæc datur, contemplemur, id quod in sequenti versiculo præstabimus.

Verf. Nisi in eis etiam casus præsentibus litteris expressi comprehendantur.

S V M M A.

- 1 Absoluere a censuris Bullæ huius potest, qui priuilegium habet absoluendi continens in indiuiduo casus ipsius Bullæ.
- 2 Absoluendi facultate data ab omnibus censuris etiam Romano Pontifici reseruatis in Bulla Cœnæ Domini, absolutio tribui nihilo magis poterit cœsurarum, quæ in Bulla habentur.
- 3 Absoluendi facultate data in indiuiduo in casu aliquo Bullæ Cœnæ Domini, in aliis autem generatim, an absolutio tribui possit a casibus generatim expressis.
- 4 Absolutio tribui potest a casibus Bullæ Cœnæ Domini, ubi generatim absoluendi facultas tributa est, modo derogatæ sit clausulæ prohibenti absolutionem, nisi in indiuiduo facultas tributa sit, ex quo modo ipsi derogatur.

Hic explicatur, quibus priuilegiis inferior Romano Pontifice facultatem absoluendi ab his casibus habeat, & sunt ea quibus casus huius Bullæ comprehenduntur, id est vbi in concessione absolutionis in indiuiduo facultas datur absoluendi a casibus, qui in Bulla sunt, exempli gratia, vbi dicitur, Concedimus licentiam absoluendi ab excommunicatione, in quam quis aut ob hæresim incurrit, aut ob armorum delationem ad Christiani nominis hostes. Ex quo habemus alium casum, vbi quis a Censuris huius

Ff Bul.

Bullæ absoluere potest.

Et hic ergo regulam de more ponamus.

Absoluere igitur inferior Romano Pontifice ab his censuris potest, qui privilegium habet absoluendi ab his censuris continens casus ipsius Bullæ eo modo, quo exemplis proximè declarauimus, vt habetur in versic. In indiuiduo, ergo expressi casus hi in cōcessione esse debent, nam Bulla vult, vt casus hi comprehendantur in privilegio, ac casus hmoi in indiuiduo sunt, vt per se patet, ergo in indiuiduo exprimi debent. Quare si facultas simpliciter absoluendi ab omnibus censuris concedatur, de reseruatīs in Bulla non intelligetur concessa, nam in hac cōcessione casus Bullæ in indiuiduo non continentur, vt per se patet, & facit ea. pen. §. fin. de penit. lib. 6.

Hac igitur facultate absoluere poterit a Censuris omnibus, sed non reseruatīs Romano Pontifici.

2 Si idem t facultas concedatur absoluendi ab omnibus censuris etiam Romano Pontifici reseruatīs, neque hic a censuris Bullæ quis absoluetur, tum quod casus Bullæ non continentur in hac concessione in indiuiduo, quod requiritur, vt habetur in versic. proposito, tum quod vbi speciatim exprimi quid debet, non sat est generalis, & quæcunque expressio, vt dixit Glo. in capitu. inquisito-

res in verb. expresse. de haret. li. 6. quam sequitur ibi Gemin. & Philipp. Franc. idem inquirunt cit. auctores in c. periculosum. de sen. ex com. eod. lib.

Non demum, si concedatur facultas absoluendi a censuris, seu reseruatīs in Bulla Cōnæ Domini, nam non in indiuiduo, sed generatim, & uniuerse expressi sunt.

3 Verum, quid t si casus unus exprimitur in indiuiduo, reliqui vero generatim, & uniuerse, vt ex. g. concedimus licentiam absoluendi ab excommunicatione, in quam quis incidit, ob violatam Ecclesiasticam libertatem, exigendo vestigalia a personis Ecclesiasticis, & a reliquis etiam excommunicationibus, quæ sunt in Bulla Cōnæ Domini.

Ego censeo neque in hoc casu a censuris generatim expressis absolui quem posse, nā sicut vbi nullus casus expressus est, absolui nequit, ita & vbi aliquis tantum, a reliquis, qui non sunt expressi, absolui non valebit, valet enim argumentum de toto ad partem. ar. l. que de rota. ff. de rei vin.

Nec repugnat ea. qui ad agendum. §. fi. de procul. li. 6. vbi expresso vno casu ex iis, qui speciale mādātum requirunt, omnes alii concessi intelliguntur, nam pro forma hic datum est, ut casus expressi in indiuiduo sint, vbi vero secus, nisi ergo in concessione casus Bullæ exprimatur, absolui ab ipsis quis
non

non poterit, vel nisi concedatur absolutio a grauiore, vt supra diximus de absoluteione ab hæresi.

4 Excipitur tamen vbi illi clausula Romanus Pontifex derogaret, quod duobus modis fieri potest, primo, vbi vel directe in concessione se velle casus prædictos pro expresse contentis, & expressis, ac si ad verbum inserti essent. Vel vbi diceret, Non obstantibus quibuscunque, etiam si essent talia, quorum mentio facienda esset de uerbo ad verbum, quorum tenores volumus haberi pro expressis, nam per hanc clausulam tollitur necessitas illa tenorem contrariorum inferendi, ut id pluribus probauit Nauarr. in capitu. si quando, excep. 1. num. 1. de rescri. & Viuald. in sua Syluest. opinion. 95. & Couar. in Rubr. de testam. par. 1. num. 10. quod seruauit auctor huius Bullæ in Bulla Iubilei publicata anno 1594. tertio Non. Decembris Ponti. sui anno tertio, nam dans licentiam absoluendi ab omnibus censuris, etiam in literis Cenzæ Domini contentis sic inquit; Quarum tenores præsentibus haberi volumus pro plenè, & sufficienter expressis, ac si ad verbum insererentur. Et ex hoc habemus alium casum, in quo quis absolueret potest, vbi scilicet ei clausula modis prædictis derogatum est.

Secundo derogatur huic clausula, id que omnino, vbi illam tolleret, vel auctor huius Bullæ, vel

eius successor, id enim potest, ex quo antecessor successor legem dicere non potest, a qua discedere non liceat, c. innotuit. de elect. Sed de hoc capite satis, ad aliud ueniamus.

De penis absoluentium excommunicatos per hanc Bullam sine licentia.

Cap. III.

Quod si forte aliqui contra tenorem præsentium talibus excommunicatione, & anathemate laqueatis, vel eorum alicui absoluteionis beneficium impendere de facto præsumpserint, eos excommunicationis sententia innodamus, grauius contra eos spiritualiter, & temporaliter, prout expedire nouerimus processuri.

S V M M A.

- 1 *Absoluens sine licentia excommunicatos per hanc Bullam in excommunicationem incidit, que excommunicatio, quousque pateat, declaratur.*
- 2 *Absoluens una absoluteione plures sine*

Ff 2 licen-